



ՀԵՌՈՒՍՏԱՏԵՍՈՒԹՅԱՆ ԵՎ ՌԱԴԻՈՅԻ ՀԱՆՁՆԱԺՈՂՈՎ

ՈՐՈՇՈՒՄ

17 մարտի 2020 թվականի թիվ 18-Ա

ք. Երևան

«ԱՇՏԱՐԱԿ ԷԼԻՏ» ՍՊ ԸՆԿԵՐՈՒԹՅԱՆ ՆԿԱՏԱՄԲ ՎԱՐՉԱԿԱՆ ՏՈՒՅԺ ԿԻՐԱՌԵԼՈՒ ՄԱՍԻՆ

Հեռուստատեսության և ռադիոյի հանձնաժողովն (այսուհետ՝ Հանձնաժողով) ուսումնասիրելով դիմումի հիման վրա 2020 թվականի փետրվարի 7-ին հարուցված թիվ 2 վարչական վարույթի նյութերը՝ *պարզեց*.

«ՅՈՒՔՈՄ» ՓԲ ընկերությունը (այսուհետ՝ Իրավատեր) 2020 թվականի փետրվարի 7-ին Հանձնաժողով մուտքագրված իր դիմումում հայտնում է, որ «Մեծդունառոդնոյե ռազվլեկատելնոյե ՏՎ» (ООО «Международное развлекательное ТВ») ՍՊ ընկերության հետ կնքված լիցենզային պայմանագրի համաձայն՝ Հայաստանի Հանրապետությունում TNT4 International (ТНТ4 Интернешнл), TNT Comedy (ТНТ Комеди), Friday International (ПЯТНИЦА Интернешнл), TV-3 International (ТВ-3 Интернешнл) հեռուստաձրագրերի մալուխային հեռարձակման և ենթալիցենզային պայմանագրեր կնքելու բացառիկ իրավունքը պատկանում է իրենց: Իրավատերը նշում է նաև, որ հեռուստառադիոձրագրերի կաբելային (մալուխային) հեռարձակում իրականացնող «ԱՇՏԱՐԱԿ ԷԼԻՏ» ՍՊ ընկերությանը (այսուհետ՝ Ընկերություն) առաջարկվել է կնքել նշված հեռուստաձրագրերի վերահեռարձակման պայմանագիր, սակայն Ընկերության կողմից անտեսվել է այդ փաստը: Ավելին ըստ Իրավատիրոջ՝ Ընկերության կողմից առանց հեռուստաձրագրերի վերահեռարձակման իրավունքի տրամադրման պայմանագիր կնքելու իրականացվում է նշված հեռուստաձրագրերի վերահեռարձակում:

Հանձնաժողովը ղեկավարվելով «Վարչարարության հիմունքների և վարչական վարույթի մասին» ՀՀ օրենքի 30-րդ հոդվածի 1-ին մասի ա) կետով՝ 2020 թվականի փետրվարի 7-ին Ընկերության նկատմամբ հարուցել է վարչական վարույթ:

Հանձնաժողովը հարուցված վարչական վարույթի մասին 2020 թվականի փետրվարի 11-ին ծանուցել է Ընկերությանը և հայտնել, որ այս հարցի վերաբերյալ կարող են ներկայացնել իրենց պարզաբանումները և բացատրությունները:

Հարուցված վարչական վարույթի ընթացքում Հանձնաժողով ներկայացրած գրավոր բացատրությունում Ընկերությունը հայտնել է, որ Ընկերության կողմից

վերահեռարձակվող հեռուստածրագրերի ցանկում բացակայում են Իրավատիրոջ դիմումում նշված հեռուստածրագրերը:

Հանձնաժողովը ղեկավարվելով «Հեռուստատեսության և ռադիոյի մասին» ՀՀ օրենքի 36-րդ հոդվածի 1-ին մասի 18-րդ կետով և 45.1-րդ հոդվածի 1-ին մասով, համաձայն որի հեռուստառադիոընկերությունների գործունեության մշտադիտարկումն իրականացվում է ուղղակի դիտարկման, իսկ կաբելային (մալուխային) հեռուստառադիոհեռարձակման դեպքում նաև հեռուստառադիոընկերությունում տեղում դիտարկում իրականացնելու միջոցով և հիմք ընդունելով Հանձնաժողովի նախագահի 2020 թվականի մարտի 9-ի թիվ 5-Ս հրամանը՝ իրականացրել է Ընկերությունում մշտադիտարկում՝ տեղում դիտարկում իրականացնելու միջոցով:

Ընկերությունում՝ տեղում դիտարկման արդյունքներով Հանձնաժողովի ներկայացուցիչը 2020 թվականի մարտի 10-ին կազմել է մշտադիտարկման արդյունքների վերաբերյալ արձանագրություն, համաձայն որի Ընկերության կողմից TNT4 International (ТНТ4 Интернэшнл), TNT Comedy (ТНТ Комеди), Friday International (ПЯТНИЦА Интернэшнл), TV-3 International (ТВ-3 Интернэшнл) հեռուստածրագրերը չեն վերահեռարձակվում: Սակայն, տեղում դիտարկում իրականացնելիս արձանագրվել են առանց Հանձնաժողովի թույլտվության մի քանի հեռուստածրագրերի, օրինակ՝ «ՏՏՏ Մյուզիկ» («ТНТ Мюзик») հեռուստածրագրի վերահեռարձակման փաստը: Մշտադիտարկման արդյունքների մասին արձանագրությունը ստորագրել են Հանձնաժողովի և Ընկերության ներկայացուցիչները, ընդ որում Ընկերության ներկայացուցիչը՝ տնօրենը, ստորագրել է արձանագրությունը առանց որևէ առարկության կամ բացատրության:

Հանձնաժողովի հիմնավորումները (պատճառաբանությունը) և եզրահանգումը.

Հանձնաժողովի կողմից ուսումնասիրվել են վարչական վարույթի մասնակիցների կողմից ներկայացրած փաստերը, որոնք համադրվել են Հանձնաժողովի իրականացրած տեղում դիտարկման արդյունքներին, որի արդյունքում հայտնի է դարձել, որ Ընկերության կողմից իրականացվում է ոչ սեփական հեռուստածրագրերի վերահեռարձակում՝ առանց Հանձնաժողովի թույլտվության, դրանով իսկ խախտելով «Հեռուստատեսության և ռադիոյի մասին» ՀՀ օրենքի 52-րդ հոդվածի 1-ին մասի պահանջը:

Այսպիսով, վարչական վարույթի բազմակողմանի, լրիվ և օբյեկտիվ քննության, ձեռք բերված ապացույցների ուսումնասիրության և գնահատման արդյունքում Հանձնաժողովն արձանագրում է Ընկերության կողմից իրականացված իրավախախտում, այն է՝ առանց Հանձնաժողովի թույլտվության ոչ սեփական հեռուստածրագրերի վերահեռարձակման իրականացում:

Նշված արարքը համապատասխանում է «Հեռուստատեսության և ռադիոյի մասին» ՀՀ օրենքի 52-րդ հոդվածի 1-ին մասի և 60-րդ հոդվածի 6-րդ մասի հատկանիշներին:

«Հեռուստատեսության և ռադիոյի մասին» ՀՀ օրենքի 9-րդ հոդվածի 2-րդ մասի համաձայն՝ Հայաստանի Հանրապետությունում լիցենզավորված հեռուստառադիոընկերություններն օտարերկրյա հեռուստառադիոընկերությունների ծրագրերը կարող են վերահեռարձակել պայմանագրային հիմունքներով:

«Հեռուստատեսության և ռադիոյի մասին» ՀՀ օրենքի 52-րդ հոդվածի 1-ին մասի համաձայն՝ օրենքով սահմանված կարգով հեռուստառադիոհեռարձակում իրականացնող՝ Հայաստանի Հանրապետության տարածքում և նրա սահմաններից դուրս գործող ընկերությունների հեռուստառադիոծրագրերը հեռուստառադիոծրագրերի կաբելային (մալուխային) հեռարձակման լիցենզիա ստացած անձի կողմից կարող են վերահեռարձակվել միայն Հանձնաժողովի թույլտվության հիման վրա:

Թույլտվությունը տրվում է, կամ դիմումը մերժվում է վերահեռարձակում իրականացնելու համար Հանձնաժողովին դիմելուց հետո՝ 15-օրյա ժամկետում:

«Հեռուստատեսության և ռադիոյի մասին» ՀՀ օրենքի 58-րդ հոդվածի 1-ին մասի համաձայն՝ Հանձնաժողովի կողմից հեռուստատեսության և ռադիոյի բնագավառը կարգավորող օրենսդրության պահանջների, լիցենզիայի պայմանների խախտման դեպքեր հայտնաբերվելու, ինչպես նաև պետական այլ մարմինների կողմից իրենց իրավասությունների շրջանակում հեռուստատեսության և ռադիոյի բնագավառը կարգավորող օրենսդրության պահանջների խախտումների կրկնակի դեպքեր հայտնաբերվելու և դրանց մասին Հանձնաժողովին գրավոր տեղեկացնելու դեպքում Հանձնաժողովը կիրառում է հետևյալ վարչական տույժերը.

1) գրավոր նախազգուշացում.

2) տուգանք:

«Հեռուստատեսության և ռադիոյի մասին» ՀՀ օրենքի 60-րդ հոդվածի 6-րդ մասի համաձայն՝ առանց Հանձնաժողովին տեղեկացնելու վերահեռարձակում իրականացնելը՝ առաջացնում է տուգանքի նշանակում՝ սահմանված նվազագույն աշխատավարձի հինգհարյուրապատիկի չափով:

Ելնելով վերոգրյալից և հիմք ընդունելով «Հեռուստատեսության և ռադիոյի մասին» ՀՀ օրենքի 52-րդ հոդվածի 1-ին մասի, 58-րդ հոդվածի 1-ին մասի, 60-րդ հոդվածի 6-րդ մասի դրույթները՝ Հեռուստատեսության և ռադիոյի հանձնաժողովը **որոշեց.**

1. «ԱՇՏԱՐԱԿ ԷԼԻՏ» ՍՊ ընկերության նկատմամբ կիրառել «Հեռուստատեսության և ռադիոյի մասին» ՀՀ օրենքի 60-րդ հոդվածի 6-րդ մասով սահմանված տույժը՝ տուգանելով նվազագույն աշխատավարձի հինգհարյուրապատիկի չափով:

2. Սույն որոշումն ուժի մեջ է մտնում այն վարչական վարույթի մասնակիցներին պատշաճ ձևով հանձնելու օրվան հաջորդող օրվանից:

3. Սույն որոշումը կարող է բողոքարկվել ՀՀ վարչական դատարան՝ ուժի մեջ մտնելու օրվանից երկամսյա ժամկետում:

**ՀԵՌՈՒՍՏԱՏԵՍՈՒԹՅԱՆ ԵՎ ՌԱԴԻՈՅԻ
ՀԱՆԶՆԱԺՈՂՈՎԻ ՆԱԽԱԳԱԶ**

Տ. ՀԱԿՈԲՅԱՆ

17 մարտի 2020թ.

ք. Երևան